

佛本行集經

籍

才三十九

二百九十四
所九

49744



佛本行集經卷第三十九

隋天竺三藏法師闍那崛多譯

娑毗耶出家品下

時娑毗耶波梨婆闍問富蘭那迦葉等義如上所說云何比丘乃至云何名爲求道時娑毗耶如是諮問迦葉語已而迦葉等領受言義心意錯亂不能報答以不逮及彼之義意增復頻皺眉額赧縮現爲三分心生怨恨瞋恚憤怒無事唱响時娑毗耶波梨婆闍作如是念此之長老我所諮問不解答對微塵等義又領我意倒錯參差不能得解文句蹇澀更重慙恚而生瞋恨無事大呼



所

時娑毗耶波梨婆闍於富蘭那迦葉之邊生
獸離已而背捨去往摩娑迦梨劬奢梨及尼
軋邊既到彼已乃至共於尼軋子面共相慰
喻美言問訊事情訖了却住一面其娑毗耶
波梨婆闍問尼軋等如上所說於義云何名
爲比丘乃至求道其尼軋子得娑毗耶如是
問已心意錯亂不能報荅

時娑毗耶作如是念此諸長老遂不能解微
塵等義而我問已心意迷荒不能領解復增
瞋恚叫喚如前時娑毗耶心如是念頗復世
間更別有人或復沙門或婆羅門而世間稱
是一切智真阿羅漢有如是者我往彼邊問心

所疑若得領解我當承事供養頂禮晨夕不離
時娑毗耶復如是念大沙門今在波羅捺鹿
野苑中諸仙居處世間人言智阿羅漢大有
聰慧我今當至彼沙門邊問所疑義彼復更
作如是思惟此處沙門或婆羅門老年宿德
經多時來修行梵行各各堪作諸國王師世
間各言聰明智慧大阿羅漢所謂富蘭那迦
葉等及尼軋子彼等我問尚自不知況此沙
門年少已來出家未久我今所問去何得解
復重思惟彼之沙門不可輕忽不可欺陵所
以者何其有沙門雖復年少而或聰明有大
智慧不可得知我今但當至於彼處大沙門

邊問心所疑

時娑毗耶波梨婆闍往詣佛所遙見世尊乃
至猶如虛空之中衆星莊嚴在於衆中宣說
法要見已心生信行之想此必是彼如前所
聞如來世尊多陀阿伽度阿羅呵三藐三佛
陀無有異也即詣佛所到佛所已即共世尊
對面美言巧語慰喻種種談說言訖却坐退
一面已其娑毗耶波梨婆闍即便以偈而白

佛言

我是娑毗耶道人
心有疑欲問大智
若能斷我心所疑

故從他方遠來至
唯願爲我分別宣
一一思惟爲我說

依我義句次第解

分分開曉莫參差

時娑毗耶說此偈已嘿然而住但諸佛法既有三種神通門說若可化者即便化之何等為三第一所謂出現神通第二名為教示神通第三名為教行神通而世尊為彼娑毗耶波梨婆闍心有所疑知其心已向娑毗耶以偈荅言

汝娑毗耶遠道來

欲問於我心疑惑

汝今可說我當解

隨汝所問我領之

一如問意不令差

汝娑毗耶宜早說

必心欲請莫疑惑

一一如問當廣宣

亦時世尊說是偈已其娑毗耶波梨婆闍作

如是念我於已前諸處所有或復沙門或婆
羅門年耆宿德久來出家堪作國師世間謂
言大阿羅漢智慧聰明我問彼等心所疑義
然其彼等皆悉倒錯不能報我以不能答我
所問義而其彼等心內懷慙面作三分顰眉
皺額生於瞋恨無事唱响

時娑毗耶心生希有此大沙門我之所問不
瞋不忿增上清淨容身熙怡不作異色更益
光顯我所諮問許為我宜我於彼人諸根寂
靜不見有錯知如此已其娑毗耶波梨婆闍
心大歡喜踊躍遍滿不能自勝得歡喜已即
以偈頌問佛義言

大聖云何名比丘

諸聖伏者何名伏

知見何事名為覺

唯願世尊為我宣

尔時世尊即以偈頌而答於彼波梨婆闍婆

毗耶言

苦行無礙求菩提

度諸疑向涅槃岸

有有無有悉棄捨

梵行漏盡名比丘

一切捨處正念行

於不殺害世間內

能得清淨無濁體

免脫諸縛名為調

若能內外攝諸根

如此降伏是名直

厭離此世及後世

待時涅槃名善行

於諸劫中懃苦修

生死二邊隨業受

其間無垢離諸縛

是名為覺生死窮

時娑毗耶波梨婆闍聞說歡喜復更以偈而問佛言

何等名為修梵行

沙門清淨復云何

佛說大智云何調

今問世尊為我解

今時世尊還以偈頌而答於彼波梨婆闍娑毗耶言

以捨諸罪無垢纏

善得禪定正住地

獨能超越煩惱海

是名為聖梵行人

福德積聚捨諸非

此世彼世知無惱

一切生死除滅故

得此證者名沙門

諸有業報悉滅除

一切世間諸內外

一切天人不能穢

如是即名清淨形

諸縛皆盡無所拘

一切世間內外處

貪癡瞋恚悉免脫

佛說是名大智人

時娑毗耶波梨婆闍既聞說已復更以偈重

問佛言

諸佛以何爲福田

云何巧知善方便

云何名爲大仙聖

唯願世尊爲我宣

尔時世尊還以偈頌而答於彼波梨婆闍娑

毗耶言

諸刹一一分別知

諸梵諸天堪受供

果報執著解縛脫

如是乃名爲福田

業根報子所從生

諸梵諸天悉分別

能以諸忍斷根本

如是名爲巧智知

彼此選擇白淨因

一切世間內外有

無我不攝無處所

如是方便名善權

一切諸法有無知

一切世間無內外

此世天人得恭敬

無礙獨脫是名仙

時娑毗耶波梨婆闍既聞說已復更以偈重

問佛言

以何得故名為聞

云何隨順及精進

云何名為大龍者

唯願世尊為說之

今時世尊還以偈頌而答於彼波梨婆闍娑

毗耶言

一切諸法悉聞知

所有諸罪功德等

超越無復疑惑刺

一切不著是名聞

名色皆是虛妄因
如是諸處解脫已

內外根塵是患本

捨離一切諸罪緣

佛說名為隨順心
離地獄苦須勇猛

解脫彼等不染著

如是名為精進人

世間有愛皆遠之

繫縛解脫皆悉斷

諸漏已盡無復刺

如是體者名為龍

時娑毗耶波梨婆闍既聞說已復更以偈重

問佛言

以何等故名為受

云何說聖及行行

何為名為求道人

今問世尊為我說

今時世尊還以偈頌而荅於彼波梨婆闍娑

毗耶言

所有韋陀一一選

或於沙門婆羅門

其邊領解既證知

於彼各各皆受取

截割邪見羅網斷

彼智不復受有胎

三種相想塵已除

不作分別是名聖

正得諸神通已盡

平等一切諸法知

能達善逝諸世間

如是解者名行行

諸法所有苦報者

若上若下若中間

名色境界能遍知

如是之人名求道

時娑毗耶波梨婆閣所有諮問世尊之義皆

悉稱適於其本心既歡喜已頂禮佛足合十

指掌瞻仰而嘆佛世尊言善哉世尊世間所

有六十二見皆無所用於世間中此等皆是

虛妄之法我今歸依無上世尊唯世尊能悉
分別知是大丈夫唯世尊能善解說法唯世
尊能知一切道唯世尊能度諸苦海唯世尊
能永盡諸漏唯世尊有最大威德唯世尊獨
多有智慧唯世尊能得阿耨多羅三藐三菩
提而說偈讚

我今頂禮大丈夫
能於天人世間內
我前所有疑惑心
世尊既是大仙覺
其後更不受有身
世尊已得清涼處

實行放光明普照
善開甘露鼓之門
唯世尊能為我解
諸塵垢盡無有餘
一切生因皆散滅
知足淨心常實行

如是世尊猶若龍
帝釋一切諸天等
世尊既是真覺人
世尊能降伏魔衆
自以度脫復度他
超越不貪著一切
唯佛至真無上尊
諸漏有因皆滅盡
諸星圍遶遍滿空
識及名色壽命等
有山名爲毗富羅
又如諸山雪山最

最大丈夫金口說
諸仙諸聖皆樂聞
世尊善能教導物
世尊能斷諸使纏
於罪福中皆平等
天人世間明了知
已過一切諸邪道
猶如十五夜月明
如是照曜世間內
王舍所住諸人民
一切最勝最爲上
飛行之者空最高

諸流海水最為深
若欲歸命調伏者
歸命世間最勝尊
歸命無上尊善逝
猶如祭祀火最尊
人中王為最自在
諸星唯月最為光
上下六道善惡趣
一切有形天及人
是故我今合十指
時娑毗耶說如是偈讚如來已復白佛言善哉世尊唯願世尊慈悲憐愍愍聽我出家并乞

又諸星中月為最
唯有歸命無上人
歸命正馭人中勝
歸命無等等至真
意論唯呪術為最
諸河大海最為寬
諸明唯日最為盛
所謂三界諸世間
唯有世尊最為首
頭面頂禮無上尊

與我受具足戒是時佛告娑毗耶言善來善
來汝娑毗耶於我自說法行之中正盡諸苦
得解脫故是時長老娑毗耶身即成比丘滿
具足戒其娑毗耶出家未久及受具足行住
坐卧獨無伴侶不曾染著謹慎身口不敢放
逸爲求道故如救頭然如是行時未久之間
其善男子正信勇猛捨家出家欲求無上清
淨梵行現見諸法自心證知言我已盡一切
生死得梵行報不受後有所作已辦自如
知其娑毗耶既已證知如是之處得羅漢果
心善解脫是時世間凡成九十三阿羅漢第
一卅尊乃至最後及娑毗耶

尔時世尊成道之後在波羅捺鹿野苑內通
及佛身合八人六月十六日安居至九月十
五日合九十三人解夏

佛本行集經教化兵將品第四十三上

尔時他方有諸人輩或從處處諸邑聚落及
諸國土各各相喚意並願樂欲求出家乞具
足戒來波羅捺到於佛邊白世尊言與我出
家受具足戒以是因緣諸舊比丘應接勞乏
彼等諸人求欲出家聲響喧鬧以此因緣惱
亂世尊不得閑靜

尔時世尊於一時間獨坐靜室如是思惟今
者諸人從於四遠他方聚落國土而來至於

此處意如是念如來與我出家受具戒以是因緣其諸人等意欲規求遠來疲倦又復爲我作於擾亂我今可遣諸比丘等令其處處至於他方聚落城邑教化一切若有諸人欲求出家受具戒者如法當與

介時世尊作是念已於晨朝時從房而出以

此因緣集聚一切諸比丘衆既聚集已而告之言汝等比丘今應當知我在空閑靜寂之室作是思惟如上所說乃至汝等向於他方與其出家與受具足勿令其來既自勞苦復妨亂他如是告已更重語言我今教勅汝諸比丘至於他方聚落城邑若有人來欲求出

家受具戒者汝當與其出家受具復告比丘
若彼來欲出家之時汝等應須作如是事先
當爲其剃除鬚髮旣剃落已即教令著袈裟
色衣其著衣時齊整服飭徧袒右肩教在衆
前右膝著地教令頂禮諸比丘足禮已還起
在比丘前跪坐教令合十拍掌作如是語我
某甲歸依佛歸依法歸依僧汝等比丘從今
已後依我勅教若有人來求欲出家受戒三
歸即得具足

尔時世尊還在於彼波羅捺城鹿菴坐夏告
諸比丘作如是言汝諸比丘若當知我已得
解脫應於一切諸天人中汝等行行爲令多

人得利益故爲今多人得安樂故爲世間求
當來利益及安樂故若欲行至他方聚落獨
自得去不須二人又復比丘汝等若至他方
聚落爲於多人生憐愍故攝受彼故當爲說
法初中後善其義微妙具足無缺汝等比丘
當說梵行有諸衆生少諸塵垢薄於結使諸
根成熟恐畏不能得聞正法即不能得知於
法相

佛告比丘我從今日漸當移去行向優婁頻
螺聚落詣兵將村而爲彼等說法教故尔時
世尊即說偈言

比丘我今度諸苦

以作自利復益他

所有及人苦未除
是故汝等比丘輩

今須為其作憐愍
各各宜應獨自行

我今亦復從此移

欲向頻螺聚落所

尔時魔王波旬密來往詣佛所到佛所已即

便向佛而說偈言

汝為諸縛之所縛

亦同諸天人等有

既被一切繩所繫

沙門汝不脫網羅

尔時世尊聞此偈已即便如是思惟念言此

是魔王波旬語也如是知已還以偈報魔波

旬言

我久以脫一切縛

天人所有我悉無

我此諸縛既離身

降汝波旬更何道

尔時世尊更以偈毀辱於彼魔王波旬作
如是言

一切色聲香味觸

此是五慾法染人

我今悉已一切除

降汝惡魔波旬訖

尔時波旬聞此偈已作是思惟沙門瞿曇已
知我心生大苦惱深自悔恨從彼地方忽然
不現

時諸比丘同白佛言善哉世尊若有人來至
於我所問我等言尊者比丘何名沙門及婆
羅門我等比丘於彼聞已當作云何報答於
彼尔時佛告諸比丘言若有人問云何沙門
及婆羅門比丘出家有如是者汝等比丘若

知是時應當正知知已應當正心觀察
尔時世尊因此事緣因此言次為諸比丘而
說偈言

永除諂曲及我慢
如是清淨體性常
諸罪漏盡号梵志

貪恚慾盡無處貪
彼者沙門比丘是
精進世行名沙門

彼等垢盡出塵勞

是真出家破諸惡

時諸比丘聞此偈已復白佛言善哉世尊我
等比丘乞食之時復作何言或復言謂施於
我食或復直言布施食也我等云何方便乞食
尔時佛告諸比丘言汝諸比丘不應如是依
汝所言所以者何須護物心是時世尊以偈

報於諸比丘言

智人乞食無有言

聖者嘿然側立念

若有智者乞食時

彼人若見如此已

時諸比丘復問佛言若復有人生信心已乞

我等食恭敬我等比丘更作何言為當

語彼汝大吉利為當語彼汝大安隱為當語

彼汝大功德為當語彼我今受已汝得多福

為當語言汝無有福我等比丘當云何言唯

願教導

爾時佛告諸比丘言汝諸比丘不應如是依

亦不拍點云與食

是名乞食真比丘

但當諦視一邊住

即知是乞食沙門

汝所說我今方便教示汝等當詐如是以得
說言

布施增長大福德

忍辱一切怨讎無

善人棄捨於諸非

離慾自然得解脫

修福常得安隱樂

所求易辦多種饒

現世速得寂定心

然後證彼涅槃處

今時世尊略說此偈教諸比丘如是受食呪
願法用

今時彼等諸比丘衆從佛受得如是教誨從
坐而起頂禮佛足圍遶三匝隨意而行是時
彼等諸比丘衆各隨去後是時彼處有護林
神護樹之神護經行神見林內空見樹下空

見經行空私心思慕諸比丘故往詣佛所而
說此偈諮問佛言

我等諸神大戀慕

見此林樹悉皆空

彼多聞衆比丘僧

瞿曇釋子今何去

尔時世尊還以偈頌而報於彼守護樹林諸

神等言

衆等調伏諸根訖

遊行教化彼衆生

或有往於憍薩羅

或向毗耶離城邑

或詣阿踰闍國土

或趣金剛大地方

決斷於他疑惑心

隨機逐情為說法

尔時世尊波羅捺城夏安居竟隨多少時然

後重告諸比丘等使更遊方隨緣教化而世

尊從波羅捺城遊行漸至優婁頻螺聚落之所是昔如來行苦行處其村有一大婆羅門名曰兵將達到彼村從舊往來道路而行爲教化故

尔時世尊行舊路時於其道傍見一園林鬱鬱可愛是時世尊從路下僻深入彼林從樹至樹見有一樹端正可喜即坐其下一日消息時彼林內有諸丈夫伴侶朋友足三十人二十人悉皆有妻唯獨一人隻身無婦時彼朋友二十九人共爲此一無妻之人求覓於婦而不能得稱可其意忽然雇得一个姪女將來與其共相娛樂而彼姪女即共彼人隨

意娛樂行於世事伺候彼等三十丈夫並皆
眠睡所有好物皆選擇取即將逃走

尔時彼人及諸朋友相共尋求彼之姪女遍
歷彼林而不能得遙見世尊坐一樹下可喜
端正衆人樂見調伏諸根心意寂靜已得最
上最勝之法猶如象王最善最妙如彼大池

滿於清淨涼冷之水有一尋光猶如金挺身
相具足如娑羅樹遍滿於華乃至猶如虚空
星宿尔時彼等諸人見已往詣佛所到佛所
已而白佛言尊者此處頗見如是婦女已不
佛報問言汝諸人輩所問之者是何婦女此
婦女者緣何而來是時彼等共答佛言大善

尊者我等朋友合三十人皆是良善在於此
林居停住止二十九人並皆有婦唯獨一人
單身無妻而我等輩相共雇得一個姪女與
其作妻令暫娛樂而彼姪女見於我等歡樂
之極自恣睡眠彼姪女選我等好物即將逃
走我等亦為此朋友故亦復各為自許物來
此林之內求彼姪女
尔時佛告彼等人言諸男子輩我今問汝於
意云何汝等今者寧求自身寧欲求覓彼姪
婦女二事之中何者為勝彼等男子共報佛
言善哉世尊我等今者若求自身此最為勝
寧可莫求彼之婦女

今時世尊復更告言諸善男子若如此者汝等安坐我今當爲汝等說法是時彼等三十男子朋友伴侶同白佛言唯然世尊一依聖教不敢有違是時彼等三十朋友頂禮佛足却坐一面

今時世尊爲其次第如應說法所謂布施持戒行忍乃至有法皆是滅相如實觀察旣證知已猶如淨衣無有黑縷無有垢膩隨其所染即受彼色如是如是彼等三十男子朋友即於彼坐遠塵離垢即時滅盡一切煩惱於諸法中得法眼淨所有垢法悉是滅相如是觀知今時彼等男子如是見諸法相得是法

相證是法相入是法相度是法相除滅所疑
無復惑著到無畏地不隨他行既知世尊聖
教法已從坐而起頂禮佛足而白佛言善哉
世尊願與我等出家受戒

尔時佛告彼等男子作如是言來汝男子入
我所說法教之中行於梵行正盡苦集滅於
苦邊是時彼等諸長老輩即成出家具足戒
品尔時世尊更為彼等而說法要慇懃教誨
是時彼等以佛更為說於法教誨示之時不
久之間彼善男子以其正信捨家出家求於
最上梵行已訖現見自證神通之後口自唱
言我今已得梵行之報所作已辦更不復受

後世之有如是知時彼等長老皆成羅漢
善解脫

尔時世尊教彼三十長老朋友得知證已遊
行履歷經白藝林到彼林已深入林中見有
一樹微妙可喜即坐其下一日消息

尔時彼處忽有六十雲種姓人從彼林路道
便而過彼等諸人遙見世尊坐在樹下端正
可喜衆人樂見乃至猶如虚空衆星之所莊
嚴見已心得清淨正信生大歡喜以歡喜故
往詣佛所到佛所已頂礼佛足却坐一面坐
一面已嘿然而住

尔時佛為彼等六十雲種姓人次第說法所

謂教行布施持戒乃至證知彼等長老一切
 皆得阿羅漢果心善解脫是時世尊教化彼
 等六十長老雲姓比丘令發心已即捨而去
 更遊餘方

佛本行集經卷第三十九

所

逮逮

音代

嘖嘖

上音

顛顛

二

赧赧

上

女

憤怒

上房

唱响

下

謦謦

上居

輦輦

反

慙慙

下反

熙怡

上許

塋塋

反

馭馭

音

勞勞

上

跪坐

上渠

蒨蒨

又音

孔

反

雇

故音

白

下

佛本行經三十九卷

